

卷 860

73128

地 727.24

33.92

部 125

已

蕭山湘湖表

卷二

卷一

禮  
圖  
亦  
胡  
禮

國  
亦  
禮

序

余以甲子二月奉檄權蕭山篆不半載得徧交其邑之賢士大夫中多績學能文之彥而抗心希古熟悉鄉邦文獻者則推孝廉周璐琴先生先生少以文章名澹於仕進隱居家術年六十猶手一編昕夕忘倦好飲酒與余有同嗜所居鄰官廨故往來較密頃者出其所輯湘湖志八卷問序于余余按湘湖始于宋邑令楊文靖廢田爲湖灌溉九鄉蕭山言水利者視爲要區焉自宋逮今數百載中更世變于是侵佔者有之隱沒者有之覬覦開墾者又有之歷經諸賢之呼籲保守得以不失舊物而形勢改革典章淪棄案牘零亂碑誌磨滅不有專書彙而存之數十年後知者希矣先生守闕抱殘旁搜遠討竭數月之力成一家之言足以信今傳後其

蕭山湘湖志

序

有裨於桑梓豈淺鮮哉余閩人也於文靖爲鄉先賢繼文靖之後來宰是邑不獲仰遵矩矱遠紹前庥使湖之淤者濬之荒者闢之俾吾九鄉黎庶復有宋代舊觀渥樂利於靡涖余滋疚矣然因讀先生之書得悉文靖當年之惠政雖曰有志未逮差慰高山景仰之心焉然則是編之成非唯蕭山人之幸亦余之幸也故樂而爲之序

中華民國十四年歲次乙丑孟冬知蕭山縣事福州郭曾甄誌

序

蕭山之有湘湖謀水利也歷宋元明潦瀦旱洩制無或紊逮及清季邦人君子不水利之顧而覲及地利於是主墾主禁爭端啓矣主墾派之說以黃氏爲最長以爲磧堰旣開麻谿旣築需水鄉分減九爲六水已有餘地不妨闢斯言似也然阡陌乍開灌溉奚賴不有所攘其何以沃地利盡矣謂無妨於水利誠未之敢信也繼黃氏而起者紛紛大抵襲其長而不能彌其憾故卒爲主禁派所絀周氏種桑說於水地兩利頗知兼顧但以梁棟之材作椳闌之用其如未滿人意何善夫韓氏強士竟能效法歐美以機鑿井取地下之有餘補地上之不足也此論若見諸實行不僅地可墾而且湖可廢將胥天下無旱乾之患矣豈不偉歟璐琴周公以名孝

蕭山湘湖志

序

廉熟於鄉邦之掌故有別墅濱湘湖故於湖事爲尤悉日者仿紀事本末體舉湖之創始沿革清估歷史禁墾成案旁及古蹟物產菽文詩歌之類分居別部勒爲一書名曰湘湖志案而不斷至謹嚴也夫物必有其賓主湘湖爲灌溉九鄉而設水利其主也地利其賓也定主可以借賓而喧賓不宜奪主公之書以湘湖名據名從主人之例其意亦從可知矣書成乃以序命余昔南湖於公作湘湖考略先居士公爲之序今公之書較考略爲詳而余文之謏陋詎足望先居士公之豪末然獲觀鉅制之告成而竊幸先芬之克繼也爰拜手而書之

中華民國乙丑嘉平月世愚姪王仁溥謹序

自敘

蕭山澤國也枕江帶海水患是亟或豬或洩調節其閒者厥惟湘湖九鄉啣啣於茲仰霑溉焉懿昔司牧凡在鄉賢靡不於此三致意者隄堰以濟當時簡筭以詔後世如顧令冲蕭山水利事蹟張公懋湘湖水利圖記魏文靖驥水利事述富僉事玆蕭山水利志張司馬文瑞水利三刻等或殘或佚或賸鱗爪非具體其元元本本沿波討源則毛西河湘湖水利志於南湖湘湖考略尙焉然自康乾迄今已歷二百數十寒暑塘閘變遷窪穴廢置形勢已改面目非舊加以土豪蠹吏侵佔隱沒厥案積尺治之棼然邇復請墾請禁彼仆此起互相訐訟歲無已時較諸明季清初其至擾不啻倍蓰設非哀而輯之補毛於二公之未備後之覽者從何考鑒耶

蕭山湘湖志序

僕幼弱於學壯萍於外故鄉山川風土嘗如也倦遊歸來皤然老矣比辛酉秋乞湖濱片壤營築菴裘一舸兩槳听夕湖中眺越城之高峯訪楊岐之古渡雖烈日鑠肌寒飈砭骨撫今弔古到處流連梭織經年差窮曠隱夫乃歎鄱陽洞庭莫愁具區曩所歷陟而詫爲勝景者浩瀚壯闊容或讓彼幽秀淡遠莫能越此昔人云湘湖猶處女秘不炫人於茲益信客有譚湘湖故實惜其無志者謂僕粗知梗概慙慙成之唯唯諾諾旋檢舊篋搜軼事掇拾貫串加以詮次首述龜山建始遞及趙顧郭於之擘畫魏何富張之經營暨宋元明清之案牘文告騷人學士之文賦詩歌下逮古蹟冢墓名山庵寺村落橋梁水陸物產提要鉤元罔弗殫錄文之體區以類類之編次以時凡六閱月而稿脫都爲八卷名曰湘湖志明知

操觚之率必滋覆瓿之嗤祇以數百禩綿渺之緒十餘家漫漶之書彙爲一集紹前修餉來哲區區立意原徇客請非敢詡有造於湖也僕所慮者湖職固瀦水蒙利者僉德湖顧當春夏淫濫狂瀾東之儻無蓄將及溺湖以防旱湖未嘗不防潦魏文靖詩云水能蓄潦容千澗旱足分流達九鄉殆得其崖略與今者西南高阜漲塞卅餘頃垂涎墾闢日繁有徒九鄉否之曰旱潦均妨也吾命脈所寄烏乎可雖然攝緘滕固扁鑄爲肱篋探囊發匱之盜而守備誠知已一旦巨盜至負匱揭篋擔囊而趨唯恐緘滕扁鑄之不固則曩之所謂知者又將何如哉湖深可測世變不可測僕卽正告九鄉更望九鄉善處之時中華民國十四年乙丑十一月遁叟周易藻識

蕭山湘湖全圖



蕭山湘湖志目錄

卷一

湘湖原始

建設澤穴

紹興年定均水則例

淳熙年重定九鄉均水則例

嘉定年畫定湖沿以金線爲界

宋時兩議罷湖不許

宋時清佔清穴

元時治湖清佔

明時清佔

蕭山湘湖志 目錄

明時造橋建閘

清康熙時修塘

清康熙時嚴禁築隄盜水

清乾隆時改建石閘

清乾隆時清佔

卷二

清嘉慶時兩修塘閘

清咸豐時修築隄壩

清同治時修隄禁墾

清光緒時兩修湖塘閘壩

清光緒時呈請毀塘不許

清光緒時主墾主禁始末  
清宣統時主墾主禁始末

卷三

民國時主墾主禁各案始末

卷四

霑閘之變更存廢 附放湖築壩定章

宋明禁罰舊例

歷代禁止墾佔之碑記

清代濬築工程之碑牘

民國示禁堆運湖草

歲修費原委紀要

蕭山湘湖志 目錄

二

民國歲修工程彙記

卷五

關於水利之藝文

關於風景之藝文

菴寺社會各碑記

卷六

湖賢事蹟

卷七

題詠

卷八

湖山

村落  
菴廟  
冢墓  
古蹟  
亭池泉井溪嶺  
湖橋  
湖墩  
山產物品  
水產物品  
甄瓦  
窰所

蕭山湘湖志

目錄

三

禁鑿羅家鵝勒碑始末

清乾隆三十八年清出估戶三百八戶花名地段清冊

外編目錄

韓疆士經營湘湖意見書

來福詒處分湘湖商權書

周德垣開墾湘湖意見書

民國十三年城區自治委員朱成基等呈請整頓水利原呈

蕭山湘湖志卷一

周易藻璐琴甫編

湘湖原始

宋熙甯年縣民殷慶等請廢田為湖 蕭山土磽而水溲雨則暴漲稍乾暵則渠港皆圻縣西二里許有高阜在西山之陰距隔阜菊花諸山相去越二里而東南夾束如衝衝然每春夏多雨山水流離漫無所瀦既不可以藝植而一當秋暵則中高外壅望如蒿蘆真蕪田也宋熙甯間縣民殷慶等殷一作度度通縣之地此為頗高可以下注而東南兩山蜿蜒如長隄天然捍蔽惟南北山盡處橫亘以塘即巨浸也春夏山雨下可以蓄水而秋暵即洩溉之以數萬畝易瀦之田救十餘萬畝稊裂不鏹之地似乎較便因具狀奏

蕭山湘湖志 卷一

聞請築為湖時神宗皇帝頗留心水利已可其奏下本縣會議時富民多游移不能畫壹而令其地者又憚于任事遂不決而罷

徽宗大觀間縣民復有以築湖請者至政和二年將樂楊時補蕭山縣令集耆老會議躬歷其所相山之可依與地之可圩者增庫補陝但築兩塘于北南一在羊騎山歷山之南一在菊花西山之足兩相欄築而其瀦已成大約周圍八十餘里通計其田有三萬七千零二畝統以為湖用以溉由化等鄉諸田得一十四萬六千八百六十八畝有奇即以湖田原糧一千石零七升五合加派之由化等鄉得水之田每田一畝派七合五勺以代為上納謂之均

包湖米

萬歷志湘湖周圍計三萬七千二畝零內原額有田一千六百八十二畝一分五釐九毫弘治十三年俱改正為湖

其田糧派於九鄉得湘湖水利田一十三萬九千四百一十六畝五分九毫每畝帶科米三合至萬歷九年後又加五勺六秒

謹按湘湖之名不知何所取義錢宰湘陰草堂記云邑人謂境之勝若瀟湘然因以名之他書無所考證姑存其說

### 建設霑穴

穴口凡十有八處曰石斗門即石巖穴曰黃家霑曰童家湫曰鳳林穴曰亭子頭曰楊岐穴曰許賢霑曰歷山南曰歷山北曰河墅堰曰柳塘曰石家湫即石湫口曰東斗門即盛家港曰橫塘曰金二穴曰划船港曰周婆湫曰黃家湫

### 紹興年定均水則例

高宗紹興二十八年戊寅歲旱爭水九鄉之決漑者多寡早晚不得均平因有毆擊致訟者縣丞趙善濟爲集塘長暨諸上戶與之定議設一均水法相高低以分先後計毫釐以酌多寡限尺寸以

### 蕭山湘湖志

#### 卷一

二

制泄放立爲渠則絕無枯菀偏頗之患衆皆悅伏無敢爭者其所定例遂永以爲法

### 淳熙年重定九鄉均水則例

記曰謹按圖經湘湖在縣西二里周廻八十里溉田千餘頃水之所至九鄉紹興二十有八載縣丞趙善濟以旱歲多訟乃集塘長暨諸上戶與之定議相高低以分先後計毫釐以酌多寡限尺寸以制泄放立爲成規人皆悅之第八鄉既均其稍有未及者惟許賢一鄉得水頗陔雖後有告不均者爲之開穴以通其利而舊約未改迄今垂二十餘年莫之重定其新舊約惜俱不詳淳熙九年冲濫宰斯邑適丁旱傷之餘歷詢湖利去其侵奪爲田者乃復謀於衆斟酌舊約因少損八鄉之水以益許賢使之均等大約九鄉管田得一

十四萬六千八百六十八畝二角其水以十分爲準每畝合得六絲八忽一秒積而計之以地勢有高低之異故放水有先後之次分爲六等柳塘最高故先黃家壩最低故後其間高低相若同等者同放此先後之序不可易者去水穴一十有八每穴闊五尺自水面掘深三尺其傍柱以石底亦如之非石則衝洗深闊去水無限矣其放水次第約計有六先者重罰私置穴中夜盜水者其罰尤倍相傳揭防斷臂竇水斷趾言折傷也昔召信臣居南陽作均水約束刻石立于田畔以防紛爭後人敬慕之茲仿其意亦以放水穴次與時刻先後開列于後

第一放柳塘溉夏孝鄉范巷村二百二十四畝一角四十步得水一釐三毫七絲七忽放四時一刻止

蕭山湘湖志

卷一

三

周婆湫溉夏孝鄉杜湖村六百五十畝得水四毫四絲二忽

放一時三刻止以上同放不同止

歷山南溉安養孫茂村一千四百九十七畝三角得水一釐

一絲九忽放三時止

歷山北溉安養孫茂村一千四百九十七畝三角得水一釐

一絲九忽放三時止

第二放黃家湫溉夏孝鄉斜橋村一千七百五十五畝杜湖村

六百五十畝共得水一釐六毫三絲七忽放四時九刻止

金二穴溉夏孝鄉寺庄村一千五百一十六畝二角四十步

得水一釐三毫二忽放三時一刻止

羊騎山穴溉新義鄉前後峽村二千三百五十六畝一角二

十步得水一釐六毫五忽放四時八刻止

河墅堰溉安養鄉百戶村二千三百四十二畝三十步

長興鄉河墅村一千六十四畝一角

黃山村五千八百三十七畝三角

山北村九百三十六畝一角

夏孝鄉許村一千九百五十三畝三角十二步共得水八釐

二毫六絲三忽放二十四時八刻止

第三放東斗門溉昭名鄉縣東村一千二百八十五畝

由化鄉澇湖村三千四百三十畝

北幹村六百四十二畝

去虎村一千九百八十三畝

蕭山湘湖志

卷一

四

安射村一千六百三十六畝

長豐村一千六百二十六畝共得水七釐二毫一絲一忽放

二十一時六刻止

石家湫溉由化鄉北幹村六百四十二畝

長興村一千六百二十六畝

安射村一千六百三十六畝

澇湖三千四百三十畝

去虎村一千九百八十三畝共得水四釐二毫四絲五忽放

一十九時止

划船港溉夏孝鄉寺庄村一千五百一十六畝得水一釐二

絲二忽放三時一刻止

亭子頭溉新義前峽村二千三百五十六畝一角三十步得  
水一釐六毫四忽放四時九刻止

許賢澤溉許賢鄉羅村六千三百三十七畝三角二十步  
荷村三千三十七畝二步

朱村三千四百六畝一角八步共得水八釐七毫三忽放二  
十六時一刻止

第四放童家湫溉崇化鄉黃村七千一十畝

百步村二千八百五十四畝

徐潭村八百三十一畝

來蘇鄉孔湖村三千八百二十畝共得水九釐八毫八絲四  
忽放二十九時六刻止

第五放鳳林穴溉新義莫浦村三千八百畝

前豪村三千八百二十九畝

何由村七千二百四十一畝

穴村五千一百七十三畝共得水一分三釐六毫四絲九忽  
放四十時九刻止

橫塘溉夏孝鄉斜橋村一千七百五十五畝

杜湖村六百五十五畝

范巷村二千二十畝一角共得水四釐五毫一絲三忽放十  
三時五刻止

石巖斗門溉崇化鄉史村三千三十三畝

徐潭村八百三十一畝

社壇村一千三百一十七畝二角

趙村二千二百五十三畝

陳村三千八十畝二角

昭名鄉龔墅村三千四百一十三畝五十步

縣南村七十六畝二角

社頭村一千五十四畝二十步

南江村三千一百六十四畝二角十一步

由化鄉五里村七千七百一畝一角四十步

趙士村一千四百六畝二角

賓浦村二千一百二十九畝共得水一分五釐三毫三絲一

忽放四十二時止

第六放黃家澆崇化鄉趙村二千二百五十三畝

史村三千三十三畝

徐潭村八百三十一畝

社壇村一千三百一十七畝二角

陳村三千八十畝二角

昭名鄉龔墅村三千四百一十二畝二角前第五放內作五十步此作二角疑

有誤

社壇村一千五十七畝二角此與前社壇村田數不同

縣南村七十六畝二角

由化鄉五里村一千九百六十畝二角四十步此與第五放內田數不同

賓浦村二千一百二十九畝

趙士村一千四百六十畝二角一十步此與第五放內田共  
數不同疑有誤得水一分五釐三毫三絲一忽放四十六時止

淳熙十一年歲次甲辰十月乙亥十又二日庚午承事郎知縣  
主管勸農公務兼兵馬監押錢塘顧冲重定

嘉定年畫定湖沿以金線爲界

寧宗嘉定六年癸酉郭淵明一作源  
明誤字潛亮來爲邑宰見湖民有

私蝕水涘倚畚而築者遣里老勘明還報里老與民各爭界不決  
淵明踟躕間有子甫十五進曰此易辨也黃者山土青黎者湖土  
也次日至湖跑視之果然于是大起疏濬且立爲令凡湖東西兩  
沿以金線爲界金線者謂界黃于青若線紛然自山麓黃盡處皆  
湖身也其後有畚黃土于水涘而築宮其上者土未跑而黃見居  
蕭山湘湖志 卷一 七

民首者不得白其子曰再跑之未幾果青見遂拆宮還官治罪充  
軍

宋時兩議罷湖不許

宣和改元豪民卽有請罷湖復爲田者下本縣會議時梅雨初過  
湖岸淫溢守者皆撤防待涸而議不畫一旦議罷者少議築者多  
主客不敵遂遲久未決入夏頓晴而運河水淺民甚虞之值鄉官  
有主議罷者被召入汴里老十人詣其家跪請勿罷會縣令送者  
亦在坐助里老言各咨嗟間里老請視今年旱澇果須漑與否以  
定行止旱則留之否則聽罷之可耳許之是年適大旱秋後河涸  
賴湖水救濟得不飢於是議罷不許時民謠曰民有天湖不田脫  
未信視此年